

Tchansons Lucyin à câbaret walon d' Limerlé

Li semdi 16 di may 2026 a 7 eures al nute

Prumire tchanson : **Li holene voye** (li halene evoye)

Resploe

Dji so ene pôve holene tote seule, / Todi å lon, foirt å lon, voye. / Dji so ene pôve holene mierseule / Todi å lon, foirt å lon, voye. / Dji so ene pôve holene fene seule / Todi å lon, foirt å lon, voye. / Dj' a cwité m' viaedje la bin lontins / Po vey comint k' les ôtes vikint.

I.

Dj' a seu l' francès, dj' n' aveu pont d' ådje. / Dj' a chamårdé l' inglès, l' arabe, / Des ôtes lingaedjes, des ptits câzaedjes; / Dji cnoxhe ostant d' pârlers ki l' pâpe. / Dj' a fwait l' bokion, dj' a stî mnjuhî; / Dj' a rakeudou des biesses, des djins; / Dj' a poirté ås saetchs å gurnî; / Dj' a stî professeur di latin.

å resploe

II.

Dj' a magnî avou des minisses; / Dj' a reupé cwand dj' esteu rpaxhî. / Mins dj' a coûtchî dins des siglisses; / Et magnî do pwin tchamossî. / Dj' a yeu des femes di tos costés, / Des noeres, des blankes, des cabolêyes; / Ça m' fijheut do må d' les cwiter, / Mins l' holene voye n' est nin loyeye.

å resploe

III.

Dj' a perliné a Fatima; / Dj' a dit mes priyires a Ala; / Et dj' a minme croe å Nirvana; / Dj' a lî les pretchaedjes do Bouda. / Dj' a schoûté des sincieus, des mwaisses, / Des vîs bârbous rimplis d' idêyes. / Tot çk' a seu moussî divins m' tiesse, / Dj' el sai rprinde pa ptitès piceyes.

Dierin resploe

Dji so ene pôve holene tote seule, / Todi å lon, foirt å lon, voye. / Dj' rirè a m' viaedje si dj' a l' tins long; / Kî k' c' est k' î câzrè co l' walon? / Dji so ene pôve holene fene seule; / Cwand dj' î rsrè, dj' vôrè-z end esse voye, / Ca po li ptite holene mierseule, / Fât todi-z esse foirt å lon voye.



Dyoaz Lu

Câzaedje : Lucyin Mahin ; muzike : Bruno Picârd

https://lucyin.walon.org/tchanson/odio/PL/L'_ouline_voye.ogg

Deujhinme tchanson : **Ni bodjîz nén a nosse province**

I. (câzé)

Vozôtes, les politikîs sins cnoxhances, vozôtes, les politikîs ki vlèt distrure nosse eritance, / avou foice, dji vos djhans, / avou coraedje, dji vos scrijhans :

(tchanté) **Resploe**

Ni bodjîz nén a nosse province. / Ni bodjîz nén a nosse payis, / ca veste idêye, dji croe, dji pinse / spatreut do côp les djins did ci

(ubén : sipatreut rade les cis did ci)

II. (câzé)

Dji vicans si bén, / nozôtes, les Årdinwès, / avou nos vijhéns, les Lorins / et nos soçons les Gâmès. // Avou les tchants / di tos nos coks, / dji vicans lon des borks.

å resploe

III.

Dj' avans des clokes a nos eglijhes. / Dj' avans co l' boerlaedje di nos biesses ; / li solo, li plouve et co l' bijhe, / Ma ossu, li beaté d' nos fiesses. // Ni vnoz nén distrure nos valixhances / avou vos grands mots / ca dji frans del rezistance. / Åy, dji srans tertos so vosse dos.

å resploe

IV.

E mitan des tchamps, des bwès, / dji srans la, po disfinde nosse eritaedje / fé oneur a nos tayons-rwès. / Åy, dj' avans foice et coraedje. // A vozôtes, les politikîs / ki nos vlèt candjî l' vicâreye, / aprindoz enute et po todi / ki dj' nos batrans po nosse payis.

å resploe



OyoZ lu


Cåzaedje : Dimitri François ; muzike : David Olezola

<https://www.youtube.com/watch?v=LEv6utDS59M>

(air do resploe munute 5.54)

Troejhinme tchanson : **Sol voye di Brogne**

- I.** Sol voye di Brogne, gn a tant des broûs, / Sol voye di Brogne, tchaeke cōp k' i ploût. / I gn a ene croes ås cwate tchimins, / On dit k' c' est po Djene et Djâcmin.
- II.** Djene a cwate frés, sôdârs tertos, / Djene a cwate frés, fizik å dos. / Il ont wangnî tant des batayes, / On dit k' il ont rçû cwate medayes.
- III.** Tant k' a Djâcmin, l' minåbe bierdjî, / Tant k' a Djâcmin, l' bea ptit hierdî, / 'l a ene pea d' gade si l' vint shofele. / On dit k' i cnoxhe li no des stoeles.
- IV.** « Binamés frés, leyîz m' aler, / Binamés frés, å bal danser ! / Divant k' i n' plouve, divant meynute / Dji vs di k' dji m' vénrè mete a houte ! »
- V.** « Alez danser, tchere pitite sour ! / Alez danser, c' est l' tins d' l' amour ! / Mins dimefyîz vs do ptit hierdî : / On dit k' c' est l' fi d' on vî sôrcî. »
- VI.** Djâcmin est la: passe-pî, gavotes, / Djâcmin est la: valeses et maclotes ! / I fwait tchanter si årmonica. / On dit k' c' est por lu k' Djene dansa.
- VII.** Meynute ki soune, ele danse todi, / Meynute ki soune, avou li ptit. / On houke les frés : « Vosse sour est sote ! / On dit k' ele va fé voler s' cote. »
- VIII.** Les frés sont la, ki breyèt hôt, / Les frés sont la : « Rivnoz do cōp ! » / « Dji n' vou nén, ca l' fleur di m' rôzî, / Dji vs di k' c' est po m' pitit bierdjî ! »
- IX.** Les deus corèt dins l' averdinne, / Les deus corèt a piede alinne. / Après Brogne, i l' volént lever: / On dit k' c' esteut po s' î maryî.
- X.** Ås cwate tchimins, on les racsût, / Ås cwate tchimins : « Vos estoz cûts ! » / Si coutea, li ptit l' a mostré, / On dit k' cwate fiziks ont tiré.
- XI.** Sol voye di Brogne, gn a tant des broûs, / Sol voye di Brogne, tchaeke cōp k' i ploût. / I gn a ene croes ås cwate tchimins, / On dit k' c' est po Djene et Djâcmin.



Clvoz lu

Cåzaedje : Lorint Hendschel, muzike : « *La Rawette* », Fiesse ås lingaedjes walons 2025.

<https://youtu.be/h4LfvMT0sUk>

Cwatinme tchanson : **Cama**

I.

Dj' avéns del fougure plin les ouys / Et d' l' ovraedje plin les bresses /
Mins po greter nosse poite-manoye, / Dj' avéns co dandjî d' ene tricwesse
Dji t' a veyou eco cint côps, cama / Po spârgnî nén vni boere on côp,
cama / N a pus des brokes el Walonreye / Ça n' est nén del fâte ås ovrîs.
D' Årlon a Lidje et Tchålerwè, / C' est l' vraî k' c' esteut tofer parey / Avou
t' coraedje, avou tes bresses / Po l' patron, ti fjheus des merveyes.
Ti n' aveus nén l' meyeu boket, cama / Asteure, nos vôteut leyî la, cama /
N a pus d' l' ovraedje e Walonreye / Ça n' est nén del fâte ås ovrîs

Resploe

El ci, el ci ki s' sint rogneus, k' i s' grete !
Si nel vout nén fé, k' i vâye-t araedjî !

II.

Dire ki nos n' estans pus les minmes, / Ki nosse mwindouve costêye bén
d' trop / Tot ratindant, leus potches sont plinnes / Di brokes totes
wangneyes so nosse dos. / Vocial dipus d' cint-z ans k' ça deure, cama /
Dji t' va dire ene sacwè k' est seure, cama / I n a-st ene crijhe e
l' Walonreye / C' est co les ptits k' on va sprâtchî.
I sereut tins d' drovi les ouys / Po n' nén leyî fé tot çoula / Nén schoûter
leus carabistrouyes / Et leyî les Flaminds foû d' ça.
Ki t' soyes Flamind, k' ti soyes Walon, cama / T' es-st èn ovrî d' minme
condicion, cama / C' e-st a droete k' i fât rawaitî / C' est l' droete k' est
l' innmi des ovrîs.

å resploe

III.

C' e-st a droete k' i fât rawaitî : / N a des Flaminds, n a des Walons. /
Les nesses revoyèt les ovrîs; / Les ôtes porminèt ås Forons.
On n' si lairè tolminme nén fé, cama; / Avou nozôtes, les abagants, cama.
/ Les etrandjîs del Walonreye / Ç' serè zels dimwin les ovrîs.
Tos les houyeus les metalos, / Les femes d' Hesta et d' tos costés; / Les
cisses ki fjhèt les ptits boulots, / Les tchômeus et les pansionés.
Waitîz vosse cour et vos efants, cama; / End ont i meritê ostant, cama ? /
« Leyîz m' plorer », c' est terminé, / Et « Li ptit banc » est tot gâté.

å resploe



Oyozi.lu

Câzaedje et muzike : Philippe Anciaux

<https://www.youtube.com/watch?v=V3BPGGAMkiw>

(munute 2.45)